

Kontakt informacije:

Eastern Mining d.o.o. Informativni centar Vareš Zvijezda 37, 71330 Vareš

Telefon: +387 32 844 553

Mobitel: +387 61 890 444

Email: infocentar@adriaticmetals.com

INFORMACIJE O PROJEKTU

Letak sadrži osnovne informacije o početku
građevinske faze Projekta Vareš kompanije Eastern
Mining d.o.o. na lokalitetu Veovača i Rupice.

Projekat Vareš

Kompanija Eastern Mining d.o.o. je nosilac koncesije za istraživanje i eksploataciju u Varešu (BiH). U vlasništvu je Adriatic Metals, kompanije koja je listirana na australijskoj i londonskoj berzi vrijednosnih papira.

Ovaj letak sadrži osnovne informacije o početku građevinske faze Projekta Vareš koja se sastoji iz tri dijela: podzemni rudnik Rupice, postrojenje za preradu Veovača (VPP) i transportna ruta puta.

Podzemni rudnik Rupice

Geografski položaj ležišta Rupice nalazi se na udaljenosti 18km sjeverozapadno od Vareša, u neposrednoj blizini mjesta Gornja Borovica. Sa geomorfološkog gledišta, lokalitet Rupice se nalazi na nadmorskoj visini od 900 do 1276m.

U novembru 2021. godine izvođači radova su započeli radove na pripremi izgradnje infrastrukture za podzemni rudnik Rupice. Izgradnja infrastrukture za potrebe rudnika obuhvata:

- Izgradnju i održavanje pristupnih puteva;
- Izgradnju platoa za smještaj radnika;
- Izgradnju puteva između niskopa;
- Izgradnju puta do odlagališta;
- Izgradnju vodovoda;
- Izgradnju komunikacijskog sistema;
- Izgradnju platoa za niskope.

Od novembra su završeni pripremni radovi na lageru, drugom/donjem portalu i na pristupnim putevima koji ih spajaju. Započeti su i radovi na pripremi prvog/gornjeg platoua, ventilacionom platou te nastavak uređenja pristupnih puteva između njih.

Kada govorimo o pristupnim putevima, do sada je urađeno oko 850m pristupnih puteva širine 10m. Ovim putevima je planiran dvosmjerni saobraćaj za vrijeme rada rudnika. Preostalo je još oko 570m, što će dati ukupnu dužinu pristupnih puteva od 1420m. Trenutno je u fazi izgradnje put prema odlagalištu rude i odlagalištu jalovine.

Za otvaranje rudnika koriste se dva glavna niskopa, GTN-1 i GTN-2. Niskop GTN-1 je dug 369m, površine poprečnog profila 30 m², i nalazi se na gornjem/prvom portalu, dok niskop GTN-2 ima dužinu 507m sa površinom poprečnog presjeka od 30 m² koji se nalazi na donjem/drugom portalu.


Što se tiče izgradnje portala i zaštite portala izvršena je stabilizacija kosina koristeći mikroarmirani mlazni beton, armaturnu mrežu, kablovske ankere, SN štapne ankere i IBO samobušive ankere, dok je za osiguranje isturene zone portala korišten armirano-betonski zid, čelična lučna pregrada, armaturna mreža i mikroarmirani mlazni beton.

Pored toga, započela je i instalacija usluga (voda, telekomunikacije, komprimirani zrak, ventilatori i generatori). Za telekomunikacije je instaliran stup koji pruža pokrivenost 4G mrežom cijelog područja.

Na radilištu se trenutno provodi miniranje koje vode obučeni i iskusni rukovodioци procesa uz poštovanje svih propisanih mjera.



Rupice - Grafički prikaz



Pozicije platoa, niskopa i pristupnih puteva



Rupice - Snimak dronom



Ulez u Glavni transportni niskop br. 2


Postrojenje za preradu Veovača (VPP)

Na lokalitetu postrojenja za preradu Veovača (VPP) trenutno se provode pripremni radovi za izgradnju objekata koji podrazumijevaju građevinske radove na razbijanju betona, odvoz i dovoz materijala te dovoz mehanizacije. Radovi su započeli u junu, a završit će sredinom augusta 2022. godine. Nakon toga, pristupit će se izgradnji objekata koja obuhvata građevinske radove na iskopu temelja, izgradnju temelja, montažu čelične konstrukcije te zatvaranje objekata. Početak radova je planiran za sredinu augusta i trajat će šest mjeseci. Izvođač radova na VPP je konzorcij sa licencama za projektovanje i izvođenje radova u ruderstvu.

Transportna ruta puta

Izgradnja prve dionice transportne rute puta započela je početkom mjeseca maja. Izgradnja 25km transportne rute puta podijeljena je u 5 dijelova/lotova od otprilike 5km dužine. Radovi su započeli na LOT 1 dionici od Rupica do Igrista, koji predstavlja prvih 5km puta od podzemnog rudnika Rupice do postrojenja za preradu Veovača, a LOT 5 (Vijadukt – Tisovci), na kojem se očekuje početak radova, predstavlja posljednih 5km navedene trase puta. U toku je ishodovanje dozvola za lotove 2 (Igriste – Mrestilište), 3 (Mrestilište – Semizova Ponikva) i 4 (Semizova Ponikva preko Smreke do Vijadukta) i završetak radova na transportnoj ruti put se očekuje u prvom kvartalu 2023. godine. Transportnu rutu gradi Općina Vareš, ali uz finansiranje i tehničku pomoć kompanije Eastern Mining d.o.o.


Važno za napomenuti je da Služba zaštite na radu kompanije Eastern Mining redovnim posjetama radilištima obezbeđuje konstantnu i prvakasnú sigurnost naših zaposlenika i svih podizvođača. Trudimo se da kontinuirano razvijamo svijest kod naših uposlenika i podizvođača, kako bi sigurnost na radilištima bila na svjetskom nivou. Pored toga, svi radovi se odvijaju uz poštivanje svih propisa i najboljih praksi zaštite okoliša.



Prikaz trasnportne rute puta po lotovima



Snimak dronom - Postrojenje za preradu Veovača



Grafički prikaz - Postrojenje za preradu Veovača